

Edar dadah, lelaki hadapi hukuman mati mandatori

Posted on September 10, 2014, Wednesday

MIRI: Seorang lelaki dihadapkan ke Mahkamah Majistret petang semalam atas tuduhan mengedar dadah berbahaya jenis Methamphetamine.

Yeo Nan Sheng, 22, dari Taman Desa Senading di sini didakwa mengikut Seksyen 39B Akta Dadah Berbahaya 1952 memperuntukkan hukuman mandatori gantung sampai mati jika sabit kesalahan.

Berdasarkan pertuduhan kes, tertuduh dituduh mengedar dadah berbahaya jenis methamphetamine seberat 56 gram (berat kasar).

Dia didakwa melakukan kesalahan itu jam 10.10 malam, pada 1 September lalu di sebuah kereta jenis Proton Wira berwarna putih dengan nombor pendaftaran WEL8275, di Lot 56 Kampung Haji Wahid di sini.

Bagaimanapun, tiada sebarang pengakuan salah tertuduh direkodkan.

Terdahulu, pegawai pendakwa Inspektor Mohd Khairi Mohd Nor memohon ditetapkan satu tarikh baharu sebutan lanjut kes memandangkan laporan kimia berhubung barang kes masih belum siap.

Majistret Lovely Natasha Charles membenarkan permohonan itu dan menetapkan 28 Oktober depan untuk sebutan lanjut kes itu.